



Universitätsbibliothek Paderborn

Exemplorvm Libri Tres

Liber Primvs Siue Vis Et Virtvs Exemplorvm, Hoc est, Solatia Et Docvmenta
- Hæc Moribvs, Illa Temporibvs Nostris Adhibita

Stengel, Georg

Ingolstadii, Anno M.DC.L.

Caput XXXVIII. Exempla Laurentij, Vincentij, Benjagini, Chryanti, Theodori
Studitæ, Pothini, inter summa tormenta, summè lætantium.

[urn:nbn:de:hbz:466:1-48162](#)

CAPVT XXXVIII.

Exempla Laurentij, Vincentij, Beniamini, Chrysanthi, Theodori Studita, Pothini, inter summa tormenta, summè latantium.

I.

Prud. in hym.
S. Ambros. 1.
de offic. 4. 1. &
l. 1. c. 28. Aug.
tract. 27. in
Ioan. & ser. 3.
de sancto. &
ser. 37. 38. 31.
323. de divers.
Max. Taur.
serm. 1. 2. 3.
Leo Pont.
serm. 1.

II.

III.

Sed ne ista liberalius dici, quām fieri existimemus, exemplo ostendamus. Quod dum ago, nec prætereundus mihi est, nec plenè dicendus ille Hispanæ gentis fulgor Laurentius, primarius Ecclesæ Romanæ Diaconus. Quis enim tanti athletæ certamina plenè dixerit? In subsidium mihi veniunt antiquissimi & disertissimi scriptores; qui eius Acta, ob singularem rerum gestarum excellentiam, diuerso scriptorum genere celebrarunt. Neque enim Poëticè tantum sunt à Prudentio decentata, sed Oratorio quoque stilo per Ambrosium, Augustinum, aliosque SS. Patres exornata, cum quorum ingenijs contendere, non solum superuacaneum fuerit, sed etiam superbum.

Illud tamen præterire est nefas, magnam de virtute illius apud Xystum fuisse existimationem, sed veram. Nam cùm eum moriturus vellet consolari, ostendit, non esse promissione incolumentatis, non sine calamitatis, sed, more generosi militis, & athletæ, expectatione certaminis consolandum. Quod probè animaduertit S. Augustinus tract. 27. in Ioan. vbi hæc habet. Dixerat illi Xystus Martyr sanctus, cuius diem quinto abhinc retrò die celebrauimus: *Noli mærere, fili, (Episcopus enim erat ille, iste Diaconus) noli mærere, inquit, sequeris me post triduum. Triduum autem dixit, medium inter diem passionis S. Xysti, & diem hodiernam passionis S. Laurentij. Triduum est medium. O consolatio! Non ait: Noli mærere, fili, desinet persecutio, & saluus eris: sed noli mærere: quò ego præcedo, tu sequeris; nec consecutio tua differtur: triduum medium erit, & mecum eris. Accepit oraculum, vicit diabolum, venit ad triumphum.*

Quantà verò animi lætitia ac generositate venerit, intelliget, qui meminisse volet, Laurentium, post diuersissima supplicia, quorum appetentissimus erat, pro coronide tormentorum, craticulæ impositum, cùm lento igne assaretur, & liquefcente inflamas funestissimè fumantes carne, ossa vnius lateris rrecta, consta-

costæque ipsæ jam numerarentur, adhuc tamen non eiulasse, imo nec gemuisse; quid dico! etiam risisse! & quod plus est, Tyrannum irrisisse: cui hiantes corporis cauernas, & cum nigra cunte dependulas è scapulis vstulatas carnes commonstrans dixit: *Affatum est, versa, & manduca.*

Quam verè Laurentio mori iocus fuit, cui pati risu dignum habebatur? Nempe plus quam Socrates sapiebat, nec jam se alium tantum à corpore suo existimabat, sed neque ipsum quidem suum corpus, suum esse arbitrabatur. Quare neque sensit, neque doluit, immò sentiens & dolens, ita se geslit, ac si extra corpus, cum D. Paulo in cælo habitaret, & ex tuto alium videret cruciari. Sic Lauro se dignum fecit Laurentius, nomine, sanguine, virtute Hispanus, Xysti exemplo magis, quam tyranni foco inflammatus; multa millia Christianorum inflammaturus, numerumque aucturus athletarum. Nam, teste S. Chrysostomo, sicut planta rigata magis crescunt: ita & fides nostra oppugnata magis floret; neque horti aquis irrigati, ita germinant, zti Ecclesia, si Martyrum sanguine irrigentur.

Lucida duo sidera, duo Leuitæ Laurentius & Vincentius iungantur. Nam & Vincentius Valentia in Hispania, sub Diocletiano & Maximiano Impp. judicem atq; tortorem Dacianum, suâ lætitia vincens, didicit in tormentis exultare: dignus proinde, quem ita compellem:

Viciisti pœnæ feliciter, inclyte Martyr;

Té tua Vincentem patria jure vocat:

Vide mihi athletam. Varijs artibus sæcum in modum disserciatur; cæditur virgis, secatur loris, tenditur equuleis, ferreis vagulis charazatur; totum hiantes plagæ corpus patefaciunt, occisiq; aditum dant ad intestina inspicienda, & costas numerandas visu: ita foedè laceratus, & aperto vndique vulneribusque confecto corpore Martyr, in acutissima testularum fragmenta coniicitur, & ad cicatricum dolorem refricandum crudeli ratione identidem volutatur per subiectas asperitates.

Quis ad hæc vel narrata, ne dum spectata, aut tolerata, non cohorrescat? Ut tamen diuinæ manūs potentiam ac beatitudinem agnoscamus, animumque ad fortia sumamus, ecce metamorphosis

T

morphosis

IV.

V.

Metaphr. &
Sur. 22, In-
nuat.

VI.

morphosin inauditam. Repentè fragmenta illa aculeata, dinnā Martyris fortitudine, testas vertunt in rosas, & quæ paulò priùs pungebant ut spinae, subitò jam nouoque miraculo malcent, ut violæ, duritie crudelissimâ in redolentium florum mollitem suauitatemque commutatâ. Itaque pavimentum e tormentis stratum, ut cruciatetur, versum est ægro Martyri in torum quo dinnitus reficeretur. Adeò Numini facile est succurrere; inde juuat, vnde cruciat; cumque necessarium est, conuertit in solatia, ipsa torturæ instrumenta. Ea propter, ut Prudentius canit,

Prudent. in
hymn. S. Vine-
centij.

*Ridebat bac miles Dei,
Manus cruentas increpans,
Quod fixa non profundius,
Intraret artus ungula.*

*Quid mirum? ardore patiendi, delicias, non poenas sentiebat.
Quare de cruce etiam detractum cùm lictores tenerent, vi qua-
potuit maximâ, ab eis se abripuit, atque ad crucem se recepit.
Vbi flamarum patientia ita Präsidem commouit, ut ad lectum
eum reportari jussent, in quo quia sanctissime expirauit, fas est
mihi illum hoc Epitaphio salutare.*

*Quis te non fateatur, ô beate
Vincenti, volitasse celi ad arem?
Alas in cruce gnarus explicasti;
Et pondus retrahens ad ima terra
A te clarificus densit ignis.
Ne quid denique forsan ad volandum.
Posset virginis deesse membris,
In plumis ea carnifex locauit.*

*Quid aliud fecisset? cùm à tantâ constantiâ plumæ & prunæ fuen-
tini eodem loco hibitæ. Immò si penes ipsum stetisset, in pru-
nis, Christi causâ, jacere martyr maluisset, de flamma ad refri-
gerium euolatus.*

*Quod in Tiburtio quoque apparet, qui cùm nudis plantis
prunis ardentibus insisteret, perquæ eas etiam incederet, ad Ty-
rannum conuersus, *Dicte*, inquit ex hac uno, miser, veram esse
Christianorum hominum religionem: pruna enim nabi flores videntur,
quorum odore fruor, non uor calore. Et si vel maxime uetus fuisset,
cum S. Vincentio dicturus erat;*

Extor-

Extorque, si potes, fidem;
Tormenta, cancer, unguis,
Stridensq; flammis lamina,
Atque ipsa paenarum ultima
Mors, Christianis ludus est.

Quod quam verum sit, testatum facit in S. Beniamino Diacono Martyre Theodoretus, qui refert, inuidissimum Christi militem non modo viciisse disputando, sed etiam insultando. Nam Rege Persarum Isdegerde ad fidem abiurandam cum pelliente: Quo tu, aiebat, o Rex, suppicio dignum arbitrareris eum, qui è castris tuis fugitus hostibus se tuis iungeret? Cum ille respon- didisset: Morto crudelissima: Quam ergo, subiecit S. Martyr, crude- li morte dignus est, qui Deum scum, ac uniuersorum Dominum au- deat negare, tantum ut ne vili creatura displaceat? Hac disputando fecit Beniaminus; quid autem tandem etiam gesserit insultando, indicat idem Theodoretus, his verbis. Ubi autem vider eum, id est, S. Beniamin, hunc cruciatum habere pro ludo, aliam rursus arun- dinem in membrum genitale intrudi mandat: que sepius extractu, in- fertaq; dolores ei incusit inexplicabiles. Post efferatus Tyrannus, vir- gam robustam, crassam, & propter ramos undiq; eminentes valde aspe- ram, in imam alii sedem insigijubet. Hic ludus est, hæc Ithyhal- lica (sed casta) sacra Christianorum.

VIII.

Theodor. 5.
hist. cap. 38.Vide Laclant.
lib. 1. de talia
relig.

De Chrysantho martyre hæc in Actis eius leguntur: Aufe- rentes eum ex eodem loco, excorauerunt vitulum, & corio recenti- cingunt eum nudum, & posuerunt eum ad solem; sed per totum diem in astu nimio, & flagrantissimo sole nullam omnino potuit calefactionem sentire. Sede adem, qua fuerat viriditate perdurans, corium in nulo potuit Dei famulum violare. Hæc est bonitas Dei, fortia passu- ros fortiter protegentis; & inter poenas delicias facientis.

IX.

Quod suo quoq; exemplo præclare docuit Theodorus Stu- dita, qui ob defensionem sanctorum Christi imaginum iussus à Michael Stu- Leone Armeno flagellari, sponte statim pudiceque zonam soluit; dita in vita Theodor,

positraque veste, corpus nudum obrulit verberandum; voluptati enim, dixit mihi est corporis huius flagellatio, atque ista demum- ei supraemæ depositor; quò citius nuda anima enolem ad eum, quem depaco. Ita in eius vita habetur. Quare & Theodoretus ipse scribens

scribens ad Naucratium, exultansque post verbera, ait: *An non diademate stantium, gloria mirabilior, stigmata ferre Christi, viuisca eius passiones, cern coronas?*

XI.

E quibus triplex gaudendi caussa perficitur. Prima, quia Theodorus, corpus suum nihil estimauit, & Socratico more, se animam esse, hoc est, animam tanti esse censuit, ut eius compensatione corpus quodammodo non esset estimandum, neque illa eius ratio habenda. Hinc dixit: *Voluptati mihi est corpusculi huius flagellatio, atque ista demum eius, tamquam grauis mihi sarcina, & molesti oneris, suprema depositio; quod certius nuda anima enolem.* En ut animam se vocat! quia totus in anima vita fuit occupatus. Non ita loqueretur, si totus esset caro; ut multi, quibus in solo est vivendi causa palato: Aliter Theodorus, cui cibo, somno & corpori seruire tam odiosum, quam onerosum fuit. Hoc ergo onere per mortem liberandus latatus est, iugum enim oneris eius, & virgam humeri eius, & sceptrum exaltoris corporis eius superaverat; iam certe superaturus erat Deus.

XII.

Altera caussa voluptatis, illis verbis indicatur. *Quod certius enolem ad eum, quem desidero.* Sicut enim Apostolus professus est Philipp. 1. 33. desideria sua, cum diceret: *Coarctor desiderium habens dissolvi, & esse cum Christo;* ita professus est & martyr. Cum ergo delectemur desideria nostra non differri, sed certe satiari: mors illum delectauit, quia desiderium satiauit.

XIII.

Cui adiuncta fuit tertia caussa, diadematis gloria, stigmata Christi, & corone. Hoc est, quod Isaia dixit: *Latabuntur coram te, sicut qui latantur in messe, sicut exultant victores capti præda, quando dividunt spolia.* Quis enim non lataretur de gloria diadematis? quam stigmata Christi multis præcedunt parafangis. Quot passiones, tot messes habent sancti; quot vulnera, tot spolia; coronæ denique sunt tubæ, quibus ad hunc Martem

Tertull. lib. accenduntur, siquidem, ut Tertullianus loquitur, *Martyres de coronis militis ruffati sanguine suo donatum Christi expectant.* Ob quod etiam

S. Augustin. inimicos diligunt, & tortores. Qui, teste S. Augustino, non parvus quidem labor est in hoc seculo, sed grande erit premium in futuro. Per amorem enim hominis inimici, efficerio amicus Dei; immo non solum amicus, sed etiam filius, sicut ipse Dominus dixit: *Diligite inimicos*

amicos vestros, benefacite his, qui oderunt vos, ut sitis filii Patrie vestri, qui in calo est. Si te aliquis homo dimes in hoc sacculo vellet adoptivum filium facere, quomodo servires, quas ei dignitates impenderes, & seruorum, eiusque seruitia durissima, & aliquando etiam turpisima sustineres conuicta, ut ad caducam & fragilem eius hereditatem peruenires? Quod ergo ille sustinet propter substantiam terrenam, tamen sustine propter vitam aeternam. Propter cuius immarcescibiles coronas e celo ostentatas, sancti illi heredes incredibili desiderio sunt inflammati nihil non patienti.

Hæ coronæ accenderunt etiam Pothenum, seu, ut alij vocant, Pothinum, de quo Eusebius hæc scribit: B. item Pothenus, cui Lugdunensis Episcopatus ministerium erat conereditum, cum non natus sua etatis annum præteriisset, & corporis imbecillitate languesceret, ut vix posset, propter virium infirmitatem, qua distinebatur, liberè spirare: spiritus tamen alacritate, propter ardorem, qua flagrabat, Martyry cupiditatem, plurimum recreatus ad tribunal ge- stabatur, & tametsi corpus eius iam pra decrepita etate, & cruciatu morbi, panè exhaustum esset, anima tamen in ipso seruabatur integra, ut per eam Christus gloriose triumpharet. Qui quidem ad tribunal magistratibus ciuitatis cum comitantibus, & universa multitudine, varias cuiusque modi vociferationes contra illum, utpote Christianum edente, a militibus deductus præclarè fidei testimonium perhibuit. Cum enim a praefide rogaretur, quis esset Christianorum Deus? respondit: si tu eā re dignus sis, cognosces. Inde igitur asperè, & immisericorditer raptus varias plagas cepit, cum ab his, qui stabant in proximo, qui nihil eius etatem reverentes manibus pedibusq; in illum contumeliosè insultabant; tum ab illis, qui longius erant remoti, qui quod singuli habebant in manibus, illud in illum coniecerunt, idq; propterea, quod omnes permagna culpa & impietas loco ducebant, si quisquam perularer illum insectari vlla ex parte omitteret: nam Deorum suorum causam ita se vindicaturos arbitrabantur. Ille vix iam spiritum dicens, in carcero coniectus fuit: ac biduo post efflauit animam.

Hæc de Potheno Eusebius, è cuius senis inbecillissimo corpore fortissimus spiritus emicabat. Quo exemplo monemur, ad durissima quæque perpetienda, non requiri vires, roburq; membrorum, sed sanctam diuino amore incensæ mentis alacritatem;

XIV.

Euseb. s. hist.
cap. 10.

T 3

quæ

XV.

180 Cap. XXXVIII. Laurentij, aliorumq; in cruciatibus latitia.

quà Martyres potiti sunt ; messem , victoriam , prædam , spolia , coronam intuentes , nos autem potiemur , si hæc ipsa Martyrum exempla , identidem ante oculos statuamus , serioque quotidie expendamus . Dux enim nobis est ad virtutem cogitata virtus ; & alacritas excitatur alacritate ; libenterque mores referimus , quos in alijs suspicimus , atque imitatione dignos iudicamus .

XVI.

S. Gregor.
Naz orat. 18.

Eueniet itaque nobis , quod S. Gregorio Nazianzeno euenit , vel vnius D. Cypriani martyrium consideranti , quem alicubi sic alloquitur : *Tuā , ô Cypriane Martyr , virtute , maiorem in modum afficiar , memoriā recreor , ac p̄agādīo quasi lymphatis fēror , quodamq; modo in eodem tuo martyrio versor , dimicationisq; sociū & particeps sum , ac totus ad te transeo . Hæc Nazianzenus exemplo Cypriani accensus , atque hoc ipso exemplo docens , quo pacto hic ignis in nobis sit accendendus . Paulò priùs id ipsius quoque ostendit , vbi affirmat , se meditatione exemploque martyris , quasi corpore exutum , contemptis omnibus rebus fluxis caducisque totis ignibus , ad cælestia anhelare . Huius rei , ait , inexplicabili quadam aniditate teneor , nec ab ea umquam diuelli possum . Martyrum honoribus oblettor , pugilum cruxibus exulto , atque aliorum quidem certamina & victoria sunt , corona autem mea ; usque et gloriā hanc praripio , & eorum egregia facinora mea esse dico .*

XVII.

S. Gregor.
hom. 33. in
Euang.

Sint igitur , & nostra , cùm possint esse nostra , si ut ab alijs in exemplum nobis relinquuntur , ita à nobis ipsis quoque in exemplum arripiantur . Quid enim profunt divitiae oblatæ , sed repudiatae ? quid iuuat , cum Tantalo , inter medias aquas stare , & futire ? Cur martyres miramur , & non imitamur ? cùm præser-
tim sequi eos liceat viâ clementiore ? Illi ferro , illi flammâ sunt cruciati : nos sine ferro & flammâ martyres esse possumus , ait S. Gregorius , si patientiam in animo veraciter custodiamus . Illi inter tormenta exultaerunt , & pro tortoribus Deum inuocauerunt : nos saltem in execrationes & vindictam non erumpamus . Pusilli ho-
minis & miseri est , ait Seneca lib. 2. de Ira . repetere mordentem , ut muras & formice : ad quas si manum admoueres , ora conuertunt . Im-
becilla sc̄ ledi putant , si tanguntur . Generosi est , luctum sperare ex aduersis . Quare pusilli tympano , generosi citharae sunt similes . Tympanum percussum reboat ; percutere citharam , & bene sonat .

sup

et T

Ita .

Cap. XXXIX. In tormentis, & ipsa morte, cantantium exempla. 151

Ita animi viles vulant, cum percutiuntur, fortes inter verbera
Deum benedicunt.

C A P V T X X X I X .

*Exempla in morte, maximisq; carnificinis etiam prælatitis
cantantium, & Deum laudantium.*

CYGNUS candidum & lati sanguinis animal, naturâ est
Hyæna, turpi & tristi bestia, proorsus contraria. Nam,
si multis antiquissimis Scriptoribus hoc damus; ille fu-
neris sui cantator dulcissimas edit voces moriturus; ista, cùm fi-
nem vite sentit instare, amarissimè plorat. Caussam discriminis
huius, Physici arbitrantur, sanguinis diuersitati tribuendam.
Cùm enim Cygno sit dulcis sanguis, ac ad lætitiam incitans;
Hyænam autem amarus & multo felle infectus, aiant, vtriusque
animalis sanguine, sub mortem ad intima refugiente, & adeò ad
ipsum cor confluente, Cygnum quidem ad hilaritatem & cantus,
Hyænam verò ad tristitiam & ploratus incitari. Quod nam ve-
rum sit, multi dubitant; experientiam similem in acanthide, seu
spino, scio esse certam, qui, cùm brumali tempore conticesceret,
ad cantum vexatione fuit adactus, sanguine scilicet ad irritatio-
nem incalescente.

Hec seu dubia, seu certa in aliis, longè certiora sunt in
hominibus, quorum alij Hyænam, alij Cygnum imitantur. Cùm
enim mors peccatorum sit pessima, & sanguis eorum ipse sibi male
sit conscius, ad cor confluit morituris, illudq; velut malleus qui-
dam, pulsat, angit, exedit, ac præ tristitia, vitam cum gemitu fu-
gere facit indignantem. Sanctorum verò mors, quia in conspectu Do-
mini est pretiosa, & mens, quasi iugé conuinium, exultans fecit se fe-
cisse, vnde possit sperare, non vnde debeat formidare; idcirco
lætatur sicut qui latantur in messe, sicut exultant viatores capti pрада,
quando dividunt spolia. Hac lætitia gliscente atq; impellente, ter-
ru Dei, non solum cum Simeone sene è carcere, & corpore mortis
huius in libertatem afferendi Cygneum quid modulanur, sed eti-
am inter ipsa tormentorum monstra, quasi inter conuinia, diuino
amore ebris; dulcissimè canunt. Quamvis enim justi, sciunt ta-
men se juberi, ut qui justus est, justificetur abhuc; cum q; non igno-
rent,

I.
*Ecclesiastes, lib. 4
hunc, c. 14.*

II.
Psal. 33. 22.
*Virgil. 12.
Æneid.
Psal. 115. 15.
Prou. 35. 15.*

*Isa. 9. 3.
Luc. 2. 28.
Rom. 7. 14.*